

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VIII. Nonnulla afferuntur ad auctoritatem Additamentis Danielis conciliandam.

urn:nbn:de:hbz:466:1-16260

mos ad pietatem accendant. Prioribus itaque sex capitibus aliena fere visa narrat: sex sequentibus sua ipsius exponit, accurate servata utroque serie temporum. Nam et si undecimo capite ad annum primum Darii Medi videtur reverti, cum superiori capite annum Cyri tertium attigisset, non est ita; Angelus enim sermonem capite decimo inchoatum, undecimo persequitur, & res Dami Medi temporibus gestas refert. Atque ea præposteri hujus ordinis longe probabilior est ratio, quam quæ ab Hieronymo proponitur. Putat enim idcirco capite septimo redire Baltaſſarem in Icc- Hier. in Dan.
nam, cum præcedenti capite res Darii narrari essent cepta, quod statim historiam hi. 6.
floris copularvit, hoc est, voluisse ipsum historias quinti capituli, sexti historiam serie continuata subiectare: cum tamen capitum etiam sequentium, quæ non historias exponunt, sed vaticinia, intricatus ordo sit & perplexus. Quod si aliqua saepius iterata occurruunt, sic habeto, non visorum eorumdem repetitam esse narrationem, sed visa eadem saepius à Deo fuisse Danieli objecta, fortasse ut ejus animum validius percelerent.

VII. Cur autem partim Chaldaice, partim Ebraice, partim etiam Græce scriptus extet liber Danielis, nobis quoque pervestigandum est. Primum enim caput, cum tribus sequentibus secundi vericulis, Ebraice scriptum habemus; sequentia ad octavum usque caput Chaldaico narrantur sermone, quæ subinde a R. Levi ben Gerfon Ebraice redditia sunt; reliqua rursum Ebraico, præter orationem Azariae, Hymnum trium puerorum, Susannæ, Beli & Draconis historias, quæ Græce scripta sunt. Ac pia fane & laudabilis doctorum virorum opinio est, qui discrepantiae hujus cauſas iſcruantes, confutio id factum à Daniele affirmarunt, ut sex Chaldaicis capitibus haberent Chaldaici, quæ regibus suis evenissent; sequentibus quinque docerentur Ebrai futura mysteria post excidum Babylonicum imperium, Christi adventum & interitum, Hierosolymitanam cladem, Judaicarum reliquiarum salutem, & mortuorum ad vitam revocationem. At cur tandem primum caput, cum prioribus tribus secundi versibus, Ebraice conceptum est, quo res narrantur mere Chaldaicæ? cur visa Chaldaeorum regum ad septimum usque pertinent caput, sermo vero Chaldaicus ad octavum producitur? Veri ergo mihi videtur proprius, Librum Chaldaice primum fuisse exaratum à Daniele ipso, qui Chaldaica lingua iuſſu Regis Babylonii fuerat imbutus, & magnum lingua hujus usum diutina inter Chaldaeos mora comparaverat; deinde Ebraice à Judæis reducibus, in gratiam & utilitatem suæ gentis, idque publica auctoritate; demum etiam Græce ab Auctore prisca Interpretationis, ab Aquila, Theodotione, Symmacho, & aliis. Inde contigit, ut male multatis & detruncatis exemplaribus, quod labentibus annis usuvenisse nimis verum est, in ea præsertim gente, tot exilis, ruinis, ac incendiis vastata, cum librarii ad describendum opus & recomponendum accederent, quæ in Ebraico exemplari deerant, ex Chaldaico supplere cogerentur; unde ambiguus ille fectus exortus est. Orationi vero Azariae, Hymno trium puerorum, Susannæ, ac Beli & Draconis historiis, quod lectu jucundæ, & ad vulgi captum essent accommodata, contigisse puto, ut valde celebrarentur inter Hellenistas, & Alexandrinos præsertim, reliquoque Ægyptios, quorum ingenium hujusmodi deliciis & auditib⁹ mirifice capiebatur. Inde ergo prodeunte maxima Græcorum exemplarium copia, primigenia ipsa archetypa, ut fieri aſſollet, neglecta jacuerunt, ac sensim denique intercederunt; vel, ut acute conjicit Origenes, à Judæis ipsiſ dedita opera superflua sunt, cum majorum suorum infamiam, scelerumque vestigia alio scelere abolerere studerent. Quod ut feliciter succederet, ipsum Historia Susannæ artificem, Græcum quemdam hominem nominabant, ut refert Hieronymus; Interpretem ipsum fortasse, aut commentitiam aliquam personam, pro Auctore, nefaria arte obtrudentes.

VIII. Non est nostri otii, aut instituti, ea colligere, quæ de Græcis illis libri Danielis partibus habita à piis juxta & eruditis hominibus aduersus horum temporum Heterodoxos disputationes peperere. Duo tantum Lectorem monebo, quæ his reliquis auctoritatē aliquam conciliare possint: multos primum in iis Ebraismos occurrere, quod ab eruditis jamdiu est obſervatum; quos si quis oculis æquis perspicerit, Ebraice primitus fuisse conceptas fatebitur; deinde Judæos historię Susannę veritati non refragari, sed Libri tantum hujus, quo ea continetur, auctoritatem oppugnare, unico hoc argumento, quod Ebraicis literis consignatus non extet; cuius rei probabilem hanc dari cauſam ab Origene, quam dixi, quæcunque progenitorum suorum corruptelas ac impuritas monumenta continerent, summo à recentioribus Judæorum Magistris studio eraſa fuisse & oblitterata.

IX. Ad opinionem suam comprobādām nonnulla afferit Origenes, quæ ab Ebraeo quodam ſe accepisse narrat; nempe vulgata traditione inter populares ejus de ſenibus.

Ff ij